

րենց երեսաց քրտինքով կ'ուտեն իրենց հացը : — « Վնաս չունի, զրուցեցի վարժապետին, թող ամառը աշխատին, եթէ ձմեռը լաւ սորվին՝ այն ևս բաւական է նոցա » : Մնաք բարով զրուցելով սիրուն և կայտառ հայ մանկութեան, նոցա պատուական Տէր-Հօր և վարժապետաց՝ առաջ գնացինք 'ի Թոփթի :

Սա ամէն գեղերէն բազմամարդն է. բնակչաց թիւը 2000 ի կը հասնի. այլ ինչպէս արտաքին ձևովն նոյնպէս և ներքին կառավարութեամբքան զՍալա և զԶալթըր շատ յետաժնաց : Տներուն մէջ կարգ չկայ, Ղրիմու հին Թաթարաց գիւղերուն ճիշդ տիպարը կը կրէ հեռուէն ևս, զի մի ահագին մոխրակուտի գէգ կը ներկայացընէ, բոլորովին զուրկ 'ի բուսականութենէ. եթէ նորաչէն բարձրագիր եկեղեցին հեռուէն չերևայ, անկարելի կը լինի թաթար գիւղէ զանազանելը : Մօտեցանք եկեղեցւոյն, այլ դուռը գոց գտնելով՝ իջանք դէպ 'ի դպրոց, զոր մեծ եկեղեցւոյն համեմատելով՝ յոյժ փոքր ինձ երևեցաւ. և երբ լսեցի որ ուսանողաց թիւը հարիւրէն շատ աւելի է, զարմացայ թէ ինչպէս այդ փոքր շէնքին մէջ կը հաւաքի այնչափ բազմութիւն : Տղայ չկար ուսումնարանաց մէջ, զի կէս օրին տուն դարձել էին, պատուհանները և դռները բաց էին. սակայն և այնպէս ապականած էր շէնքին օդը : Եկաւ երէցը, բացին եկեղեցւոյն դուռը. մտնելով ներս ընդարձակ տաճարին մէջ՝ ազատ շունչ առի. վասն զի այդ գեղեցկաչէն եկեղեցւոյն մէջ մարդ կը մոռանայ առ ժամն չորս դին պատող ճնշիչ առարկայքը : Շքեղ է եկեղեցւոյս պատկերազարդ և ոսկէզօծ աւագ խորանին խաչկալը, որոյ շինութեան համար գիւղացիք 10,000 րուբլի ծախք